

# FLOREAN DAL PALAZZ

— Al salte fur la Joibe —

(in fin ch' al varà fiat)

Ogni doi numars 5 centesims l'un — bez subit

Si vendin là vie da l'Edicole o là dai Tabachins in Marciavieri, in piasse Contarene e in Borg di S. Bartolomeo

REDAZION: su la fontane di piasse Contarene — AMINISTRAZION: su la fereade de Vigne

Par altri Florean al si lassarà ciata, quand che covente, in Stamparie Jacob e Colmegne.

## Archivi di Florean

Eco la letare di Scurdilli scrite a di un so ami di cult e da la qual o hai podut vè una copie:

*Mio ciar amè,*

Pole, ai 25 di Lui.

Ti ringrazi di vemì mandat il *Florean dal Palazzo* dula che jè contade la storie dal prof. Mastie e dal prof. Malpaga. Oh! sastu ce bravis personis che jerin lor sott il paterno Guviar da l'Austrie fra voaltris! Ti garantiss jò che tal nestri ufizi e jerin in buinissime considerazion; anzit mi visi che une volte, scartabelland des ciartis, dula che si tratave di afars pulitichs, o hai vidut chei doi non segnaz a ross e in bande e jere fate a dugg i doi une lunge anotazion su lis lor benemerenzis viars il Guviar da l'Austrie.

No stenti a crodi che l'articul cuintri i comichs dal Casoto al sedi stat scritt par sugeriment de Pulizie, che vedeva di mal voli che faseva bogna afars che compagnie taliane. Anzit noaltris e usavin a fà simpri cussì, naturalmentri cun chei scritors di sfueis che savevin di podè manezà come che nus comodave.

Si ju clamave in ufizi. E si diseuvi:

— Bisugne che al scrivi cuintri dal tal dai tai, cussì, cussì e cussì.

— Hao di falu apertamentri o pur cun qualchi zir di peraulis, a us gesuit? al rispuindeve il scribatul.

E alore noaltris i devin lis istruzions che crodevin plui adatadis e magari, qualchi volte, che nol jere timp di piardi, si faseva noaltris l'articul, o al vignive di Vignesie e ance di Viene, second il cas, e il giornalist lu publicave tal e qual.

Dunce nol è nuje di dâsi di maravee se il prof. Mastie cumò al fâs il talianon e al serv i parons di uè, come che al servive chei altris. Jo, par altri, come che tu has vidut, o hai mostrat plui caratar di chei talianons, perchè che, cun dutt che o soi talian di nascite, o hai scomenzat a servi l'Austrie e o hai continuat simpri a jessigi fedel suddit e impiegat.

Chei tai, invezit, se doman e vegnissin i tures, e voltin bandiere, e sberlin come mostros che nissun Guviar al è bon come chell de miezelune.

E han cur ance di dâle ad intindi, ai manos che si sa, che lor no son mai stas nè todeschs, nè talians, ma simpri tures, e nujaltri che tures.

Cui quai o hai plasè di saludati e di preâti di saludâmi dugg i amis da Udin che si ricuardin ancemò di me. Adio....

To sincer amè  
Scurdilli.

## Galerie di Florean

### Une citine

Stiore Tizie, la citine,

Che va sù pesessantine,  
Simpri in clase rabiose,  
Brontolone, capriziose,  
Còr a dutis lis funzioms,  
Dai scarpins al capelin,  
A rigor di figurin.  
Ciale cheste, ciale che  
Se vistude come je;  
E lì subit e si dà  
L' une o l'altre a critica;  
O intant che l' predi al sberle,  
Cheste sante, cheste perle  
Di cristiane, che sa dunt,  
E ti fas un biell sianutt;  
E pazienze se no vess  
Nissun'altre pece adness;  
Ma cun grande presunzion,  
Senze un fil di compassion,  
Je ti ciazze fra i danâz  
Qual si sei che a je no i plas;  
E, testarde come un mul  
A so mud dutis lis ul...  
Oh! puarine che famee,  
Sei di Bepò, sei di Dree,  
Che in sè conte une citine!  
Oh! puarine! sì puarine!!!

## Storielis di Florean.

Eh! ce tantis ch'on d'hai di ches di conta  
dongo il fug! Mo no scomenzin no migo no dutis

cun chell solit ritornell. *Une volte al jere...*  
 Si po', ben voe! lis plu, bielis anzit e han il  
 vantazz di sei, squasi dutis, *palpitanti di attua-*  
*lità*, come ch' a si use a di cumò. Stàini a sintì  
 ch' o us es moli fur un pocis par setemane.

\* \* \*  
 In t' un país di chest mond, ch' al podaress sei  
 ance S. Vit dal Tajament, par insegnai a mestri  
 Ustin il mud di cumbinassi cul Vatican, e ti han  
 par ufizial di Stat Civil un biell bocognatt di  
 predi ex frari. Se lu vedessis cun dute pro-  
 soppee, cu la fassizze a tre colors parsore de  
 toneate, te sale dal Comun, col maride qualchi  
 cubie, ce biell ch' al è! Le han ciatade lor, chei  
 di San Vit, la maniere di fà il matrimoni civil  
 senze fà peciat. Cul diaul! Col è un predi ch' a  
 ju maride! E savèso cui ch' al è chest predi ex  
 frari? Al è chell biell campion che za fà qualchi  
 mes al diventà famos par une condane, ch' al  
 vè in consequenze di ciartis polemichis su *« Cose*  
*di S. Vito »*. E se no oles erodimi, domandàigi  
 al cont Bepo di chenti, ch' al fo za quindis dis  
 copari dal anell t' un matrimoni di S. Vit. Ce  
 brutt pronostich par chei puars sposos, che ur  
 tocie di maridassi denant di un f. f. di Sindich  
 predi e frari!

\* \* \*  
 Un biell zovin, al ha treutecinq agns cumò,  
 perchè ch' al è nassut dal quarantevott, al è stat  
 nomenat ufizial de milizie teritorial, al ha dàt il  
 zurament e cumò al è es manovris. Al veve voe  
 di sghindalis par chest an, perchè che al ha un-  
 mong di afars e di impresis di ogni fate; ma il  
 ministero, senze nissun riguard pai siei meritis e  
 pes sos belezzis, i subà pal timp: « O manovris,  
 o dimissions! » e lui, che al ha passion di puartà  
 i botons lustris, al lè es manovris. Oleso savè cui  
 ch' al è? Al è un che, dal sessantesis, (al veve  
 disevott agn in ta che volte,) al sintì prepotent  
 l' amor pe patrie e al lè volontari sott l' Austrie;  
 dal sessantesis, notait ben. Finide la uèr, l' Au-  
 strie lu consegnà a l' Italie insieme cun dugg  
 chei altris, che veve ciapat su par fuarze de co-  
 serizion. Ben, ce fasial l' amigo? Al ti pàe plu  
 che di presse la tasse par sfranciassi dal servizi  
 militar, perchè che la munture taliane, no jere  
 vonde bieie par lui. E cumò al è Ufizial de Mi-  
 lizie teritorial! Biell, si po', biell!

\* \* \*  
 In provincie e jè une amministrazione dula che  
 il Cassir nol ha podut vè mai la clav de Casse.  
 Lis olàs e son dos; unè al dovaress tignìle il  
 President e che altre il Cassir; cussì, par viarzi  
 la casse al coventaress che fossin dugg i doi.  
 Ma siors no mò, che il President al ul tignì  
 simpri lui dutis dos lis olàs. Furtune ch' al è un  
 galantom. Ma, ise mo regular cheste facende?

\* \* \*  
 Un Ospedal da l' alte al comprà, cheste siarade,  
 une quantitat di ue, le folà e al fasè dal bon vin,  
 che i vigni a costà, pòc sù pòc giù, 41 francas al  
 teoliro. Si fasè cussì par podè dái a chei puars

ricoveraz une gote di vin sincer, no olind fidassi  
 di compralu tai magazens, di pòre ch' al sedi  
 faturat. Fin cà nol è nuje ce di. Ma, ce isal, ce  
 no isal, cheste viarte a si decid di vendì une  
 part dal vin, e s' in vend une bote a 50 francas  
 par etoliro; ma no migo no al aste, vèh! Chei  
 che lu comprarin e forin tre o quatri Conseira  
 d' amministrazione di chell' instess ospedal, che s' al  
 spartirin po' tra di lor. Parchè cheste vendite?  
 Jerial forsi pericol che il vin al dess la volte?  
 Ah, mai! al jere ecelent. Ma, al disè un di chei  
 che lu comprarin, al jere masse bon par che  
 intae; par lor ur baste di chell ch' a si pò com-  
 prà tai magazens a vingecinq o trente francas al  
 etoliro. L' ospedal nol pò che uadagnai sun chest  
 afar, a jè vere, ma, o dis jo mo', dula ise la ca-  
 rittat cristiane, di ciolli de boce a dai puars ma-  
 laz il vin bon e sincer, par dái invece di che  
 potòrie faturade?

\* \* \*  
 In Domenie vott, a S. Denel, chei che levin a  
 messe prime e ciatarin i murs dal país dugg  
 fodràs di epigrafis. Si jere indotorat un zovin,  
 fi di un nobil ben cognossut pes sos tenerezzi-  
 pes patatis. Lis epigrafis e magnificavin, no nome  
 i *profondi studi e le vaste cognizioni nello scibile*  
*umano* dal fantatt, ma ance i grang meritis dal  
 pari. Qualchi lengate e voleve di che za e jere  
 dute robe fate in ciase. Oh! puar Tribunal!

## Informazioni di Florean.

Oleso ch' o us conti la origine dal pedestal di  
 Vitorio? Si. Ben, cognossiss Mar-grand, chell ch' a  
 i disin il *Tamon*? Po' diambar! al è fradi dal  
 Vice-retor dal Santissin di Domo. Ben, Mar-grand  
 al jere lât a oselà a Dibelis, disore Nimis, e al  
 vedè un clap. Al corè a Udin e, in compagnie  
 di so fradi e sglonfarin sù tant ben chell puar  
 Momi, che lu persuaderin a fà il pedestal cun  
 chell clap. Si faserin in sozietat in sis di lor, e  
 Mar-grand al *tamon*; e ordenarin la piere, ma la  
 piere no vignive mai. Momi, intajansi che chesg-  
 fa tutto lu vareassin menat ator, al lè su di besol  
 a Nimis a viodi de piere. Di quale! nance scais  
 nol ciatà. Al si butà in zenoglon, a preà e a  
 sconzurà i contadins, e al fasè il contratt che pai  
 20 dal mes passat e vess di sei a Udin la piere,  
 prometind ance un regal. Passarin i 20 e i con-  
 tadins i mandarin a di a Momi che, se al ul il  
 pedestal in t' un bocon, bisugne fàlu in bocognuzz.  
 La Zonte, co sinti ste musiche, si metè dute in  
 confusion. Ciavai par di cà, carozzis par di là,  
 barèlis par cula vie, fin che rivarin a Azide, in  
 Sclavanie, dula che la sozietat e saveve biell zà  
 prime che piere and jere di podè fà cent pedestal  
 dugg t' un bocon.

Cumò po' si trate di lustrà la piere; ma il  
 Tamon nol è bon di ciatà nè plomb, nè spuntio.  
 Al seugnà contentassi di lustrale cu l' aghe-rase  
 e cere. Us racomandi, co passais par plazzo Conta-  
 rene, di tirà giù il sigar, se no e ris-ciatis di dái  
 fug al pedestal.

## Corispondenze di Florean.

Palme, ai 30 di Luj.

Seuse tant, sàstu! Ti vevi sigurat che dugg i quatri, chei che ti vevi ditt, a dovevin saltà fur conseirs; ma, invezze, no. Seuse tant; jo no in d'hai colpe. Ciò, ti dis il ver jo, a viodi il Mos-cin a là a businà di e guott tes orelis dai eletors; Fiche, Rochet e Cechin a bevi a plui non posso par podè, cule protezion del spirt di vin, converti ju eletors a votà par chei che ju pajavin; a viodi, giò, chestis nainis, o crodevi dal ver jo che i bez no fossin propit cussi mal spinduz. E lis fadiis dal Musson cumò cui lis pae ches? Puar diaul, mi displas tal cur, ciale. Ma cemut si vevial di fà corpo di bio? Ciale ce maludizion: il stalir ir strighiand i ciavai, al ha ciapat un ripp tal daur, ch'a nol podarà drezzassi par un piezz; il nasòn cuardar al è inzopedat propit ir t'un grum di cuarde e si è scussat il nas; tu pus crodi che, cun che macule sul miur membro ch'al vedi, al stentarà par cumò a lassasi viodi in public; e al ustir i siei avventors i an raccomandand di no bandonà il spinell: dunce e han podut fà nome Leon. Ciò, al veve tante voc di jessi conseir, pur zovin! E po' saress stade une vergonze, diambar, a no fà cheil che covente. Baste lassin là cumò! E ce sunade pai tananais ca ti an zuppade su i *cucs* fi mio! E ur sta ben!

Fole che ju strissini! E son plombaz chenti cu le velade rote e senze ciamese, e cumò par jessi tirez sù un pòc pal grati, e vuelin pretindi di jessi nome lor i primaris e di meti dugg tal sacc; ch'a zuppin su intant.

Un' altre volte ti contarai lis prodezzis di custor; a t'in d'hai un sacc pien fin a le comme. Intant vise il *democratic cul servitor in livree e progressist dai talons in fur, e dal ciav in su* (senele prefettizie) che se nol sta cuizzo i scuacari che di Palazzul. S'al coventarà, o farai cognossi a dutt il Friul i meracui di cheil che ti somee dal *quarantevott in poi*. Cumò o voi raspaand ale di biell di un sintat sun d'un caregon, ma che al mertaress vuluzzat tal pantan. Baste cialà la cuarnadure! Za che uelin co feveli o farai cognossi dugg chei ca mertin par cheil che valin. Par uè, viva!

Ocàtt

## Da la zae di Florean.

Al è un piezz che al zire pes nestrìs contradis un siôr che nol è siôr, cu la muse d'inglès, ma nol è inglès, e dute la mari zornade nol fàs nome che là a ciatà i siei amis, oh'al si ha fazz do; o ch'al è obenti, a pueste pal so nobil mistir. Figuràisi, e ce sorte di mistir! Al jentre in ciase o in buteghe di qualchi pur am cun d'une seuse qualunque, e là al si remene tant, fintenoma ch'al rive ad ore di netai qualchi pizzule galantarie. Ma, che altre di, il furbo al ha fatt marron; lu han ciatât cui ociai *fumè* in man. Ciò, puarett! bisugne pur ch'al si conservi la

viste!! E, moll moll, come gnente fosse al ha ciapat il trente un, e se ha moocade.

In ta che androne che ha 'l apalt *tabachino sta cujele*, a jè une femine maridade che no passe zornade che no si la sinti a sberlà e a ciatà da di, cumò cun t'un, cumò cun t'un altri, par robis che no valin un fruzzon; e malandrete che volte che vess reson. Par esempli, che altre di, cul so zigà di zave e ha fatt ingrumà te strade un bozzul di int, che jere plene l'androne. Di buine par je che le veve ciatade cun d'un zovin bon, tanche un paston, e prudent al pâr di qualunque galantom; tant 'l è ver che la int a si domandave: « po' cun cui le hae, che fàs dutt cheil ciadaldiaul? » Malandrete! al pareve che la copassin!

A no jè lunge, lunis, là vie de dispense dal tabacco, un fantazutt, dopo di vè portât tabacco e zigars al so paron, al è tornât indaur dutt quant sudât a la dispense. — Ce hastu? i domandà che mace di siôr Tomàs adett a cheil ufizi

— « Ch'al scusi ciare lui, al disè il zovin, mi ha mandat il miò paron a cioli indaur la ciarte che jerin invuluzzas i bez. »

— « Po ce haal di fà, cheil servizi di je? »

— « Ma, siôr... al ha ditt che stà ben par invuluzzà un gross di tabacco, parie!! »

Podès crodi, e ce bacàn ch'al ha fatt siôr Tomassin — « Ciò, ciò! » al disè, e i consegnà un fass di ciartis.

Al è qualchidun oho al oress che a la prossime Esposizion al foss mitut il famos cosmetich di Vigi-Gabriell. E disin ch'al saress a benefizi di dugg chei che uelin fà i bulos, anco se han passat la sessantine e se al ha neveat sul ciav e su la barbe.

Florean al pò nome zirà la domande a Vigi-Gabriell, il qual, cu la so solite buine grazie, nol manciarà di contentàju.

Il marit de Maghe al ha scritt une letare a Umberto, domandangi che al fasi meti in preson dugg chei che scrivin il *Florean*. Ce ridade di gust ch'al ha di ve fate il nestri Re a ricevi che letare. Jo o pajaress qualchi ciosse a vent une copie, che o la publicaress subit, siôr, che o faress afarons. Mi contin po' che la letare e fo studiade, combinade e scrite in tal mezât de Tabachine (sta cujele!) Si po' crodi ce capolavor ch'al è vignut fur!

L'Espusizion e jè iminent e ancimò e son che sbisiin daur dal pedrat dal porton di Grizzan. E fasin propit compassion a viodi come che si menin i lavors a Udin. I foresg che vignarap a l'Espusizion e restaran cun tante di boce, a viodi la fazzade de ciase donge Kekler e dutt il rest tal massim disordin. In t'un altre citat, di chei lavors no si fevelaress nance plui.

## Corispondenze di Florean.

Palme, ai 30 di Luj.

Seuse tant, sàstu! Ti vevi sigurat che dugg i quatri, chei che ti vevi ditt, a dovevin saltà fur conseirs; ma, invezze, no. Seuse tant; jo no in d'hai colpe. Ciò, ti dis il ver jo, a viodi il Mos-cin a là a businà di e guott tes orelis dai eletors; Fiche, Rochet e Cechin a bevi a plui non posso par podè, cule protezion del spirt di vin, converti ju eletors a votà par chei che ju pajavin; a viodi, giò, chestis nainis, o crodevi dal ver jo che i bez no fossin propit cussi mal spinduz. E lis fadiis dal Musson cumò cui lis pae ches? Puar diaul, mi displas tal cur, ciale. Ma cemut si vevial di fà corpo di bio? Ciale ce maludizion: il stalir ir strighiand i ciavai, al ha ciapat un ripp tal daur, ch'a nol podarà drezzassi par un piezz; il nasòn cuardar al è inzopedat propit ir t'un grum di cuarde e si è scussat il nas; tu pus crodi che, cun che macule sul miur membro ch'al vedi, al stentarà par cumò a lassasi viodi in public; e al ustir i siei avventors i an raccomandat di no bandonà il spinell: dunce e han podut fà nome Leon. Ciò, al veve tante voc di jessi conseir, pur zovin! E po' saress stade une vergonze, diambar, a no fà cheil che covente. Baste lassin là cumò! E ce sunade pai tananais ca ti an zuppade su i *cucs* fi mio! E ur sta ben!

Fole che ju strissini! E son plombaz chenti cu le velade rote e senze ciamese, e cumò par jessi tirez sù un pòc pal grati, e vuelin pretindi di jessi nome lor i primaris e di meti dugg tal sacc; ch'a zuppin su intant.

Un' altre volte ti contarai lis prodezzis di custor; a t'in d'hai un sacc pien fin a le comme. Intant vise il *democratic cul servitor in livree e progressist dai talons in fur, e dal ciav in su* (senele prefettizie) che se nol sta cuizzo i scuacari che di Palazzul. S'al coventarà, o farai cognossi a dutt il Friul i meracui di cheil che ti somee dal *quarantevott in poi*. Cumò o voi raspaand ale di biell di un sintat sun d'un caregon, ma che al mertaress vuluzzat tal pantan. Baste cialà la cuarnadure! Za che uelin co feveli o farai cognossi dugg chei ca mertin par cheil che valin. Par uè, viva!

Ocàtt

## Da la zae di Florean.

Al è un piezz che al zire pes nestrìs contradis un siôr che nol è siôr, cu la muse d'inglès, ma nol è inglès, e dute la mari zornade nol fàs nome che là a ciatà i siei amis, oh'al si ha fazz do; o ch'al è obenti, a pueste pal so nobil mistir. Figuràisi, e ce sorte di mistir! Al jentre in ciase o in buteghe di qualchi pur am cun d'une seuse qualunque, e là al si remene tant, fintenoma ch'al rive ad ore di netai qualchi pizzule galantarie. Ma, che altre di, il furbo al ha fatt marron; lu han ciatât cui ociai *fumè* in man. Ciò, puarett! bisugne pur ch'al si conservi la

viste!! E, moll moll, come gnente fosse al ha ciapat il trente un, e se ha moocade.

In ta che androne che ha 'l apalt *tabachino sta cujele*, a jè une femine maridade che no passe zornade che no si la sinti a sberlà e a ciatà da di, cumò cun t'un, cumò cun t'un altri, par robis che no valin un fruzzon; e malandrete che volte che vess reson. Par esempli, che altre di, cul so zigà di zave e ha fatt ingrumà te strade un bozzul di int, che jere plene l'androne. Di buine par je che le veve ciatade cun d'un zovin bon, tanche un paston, e prudent al pâr di qualunque galantom; tant 'l è ver che la int a si domandave: « po' cun cui le hae, che fàs dutt cheil ciadaldiaul? » Malandrete! al pareve che la copassin!

A no jè lunge, lunis, là vie de dispense dal tabacco, un fantazutt, dopo di vè portât tabacco e zigars al so paron, al è tornât indaur dutt quant sudât a la dispense. — Ce hastu? i domandà che mace di siôr Tomàs adett a cheil ufizi

— « Ch'al scusi ciare lui, al disè il zovin, mi ha mandat il miò paron a cioli indaur la ciarte che jerin invuluzzas i bez. »

— « Po ce haal di fà, cheil servizi di je? »

— « Ma, siôr... al ha ditt che stà ben par invuluzzà un gross di tabacco, parie!! »

Podès crodi, e ce bacàn ch'al ha fatt siôr Tomasin — « Ciò, ciò! » al disè, e i consegnà un fass di ciartis.

Al è qualchidun oho al oress che a la prossime Esposizion al foss mitut il famos cosmetich di Vigi-Gabriell. E disin ch'al saress a benefizi di dugg chei che uelin fà i bulos, anco se han passat la sessantine e se al ha neveat sul ciav e su la barbe.

Florean al pò nome zirà la domande a Vigi-Gabriell, il qual, cu la so solite buine grazie, nol manciarà di contentàju.

Il marit de Maghe al ha scritt une letare a Umberto, domandangi che al fasi meti in preson dugg chei che scrivin il *Florean*. Ce ridade di gust ch'al ha di ve fate il nestri Re a ricevi che letare. Jo o pajaress qualchi ciosse a vent une copie, che o la publicaress subit, siôr, che o faress afarons. Mi contin po' che la letare e fo studiade, combinade e scrite in tal mezât de Tabachine (sta cujele!) Si po' crodi ce capolavor ch'al è vignut fur!

L'Espusizion e jè iminent e ancimò e son che sbisiin daur dal pedrat dal porton di Grizzan. E fasin propit compassion a viodi come che si menin i lavors a Udin. I foresg che vignarap a l'Espusizion e restaran cun tante di boce, a viodi la fazzade de ciase donge Kekler e dutt il rest tal massim disordin. In t'un altre citat, di chei lavors no si fevelaress nance plui.